

Broj: UP1-06-13-1-48-10/21
Mostar, 11.11.2021. godine

Na osnovu člana 21., člana 37., člana 42., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18. Pravilnika za izdavanje dozvola („Službene novine Federacije BiH“ broj 2/17, 39/20 i 82/21), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (1), člana 5., člana 8. i člana 9a. stav (2) Pravilnika o metodologiji i načinu obračuna regulatornih naknada za imaoce dozvola - Prečišćeni tekst („Službene novine Federacije BiH“ broj 94/19), postupajući po Zahtjevu za obnovu dozvole za rad za proizvodnju električne energije broj UP1-06-13-1-48-1/21 od 26.02.2021. godine, podnosioca zahtjeva „EKO-ELEKTRON“ d.o.o. Gornji Vakuf – Uskoplje, Gradska b.b., Gornji Vakuf - Uskoplje, zastupanog po zakonskom zastupniku Kerimu Kasumoviću, Regulatorna komisija za energiju u Federaciji Bosne i Hercegovine – FERK je dana 11.11.2021. godine na XXII redovnoj sjednici donijela sljedeće

R J E Š E N J E

1. Izdaje se Dozvola za rad za proizvodnju električne energije podnosiocu zahtjeva „EKO-ELEKTRON“ d.o.o. Gornji Vakuf – Uskoplje.
2. Utvrđuje se „EKO-ELEKTRON“ d.o.o. Gornji Vakuf – Uskoplje, status kvalifikovanog proizvođača u objektu hidroelektrane „Dubrava“, u periodu važenja dozvole iz tačke 3. ovog rješenja.
3. Dozvola za rad izdaje se na period od 11.11.2021. godine do 10.11.2031. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tačaka 1. i 3. ovog rješenja.
5. Imalac dozvole je obavezan platiti regulatornu naknadu za 2021. godinu u iznosu od 2.538,90 KM.
6. Imalac dozvole je obavezan plaćati regulatornu naknadu za naredne godine važenja dozvole na način i u iznosu koji utvrdi FERK posebnom odlukom.
7. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

Dana 26.02.2021. godine FERK je od podnosioca „EKO-ELEKTRON“ d.o.o. Gornji Vakuf – Uskoplje pod brojem UP1-06-13-1-48-1/21 primio Zahtjev za obnovu dozvole za rad za proizvodnju električne energije.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za izdavanje dozvole za rad za proizvodnju električne energije broj UP1-06-13-1-48-2/21 od 24.03.2021. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 12.04.2021. godine pod brojem UP1-06-13-1-48-3/21, dopis primljen u FERK 22.07.2021. godine pod brojem UP1-06-13-1-48-4/21 dopis primljen u FERK 18.08.2021. godine pod brojem UP1-06-13-1-48-5/21, dopis primljen u FERK 09.09.2021. godine pod brojem UP1-06-13-1-48-6/21, dopis primljen u FERK 18.10.2021. godine pod brojem UP1-06-13-1-48-7/21, te dopis primljen u FERK 19.10.2021. godine pod brojem UP1-06-13-1-48-8/2, uz koje je dostavio traženu dokumentaciju i obrazloženja, a na osnovu kojih je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije po zahtjevu broj UP1-06-13-1-48-1/21 od 26.02.2021. godine, podnosioca „EKO-ELEKTRON“ d.o.o. Gornji Vakuf – Uskoplje. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj UP1-06-13-1-48-9/21 od 26.10.2021. godine usvojio Nacrt dozvole za rad za proizvodnju električne energije, te obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 26.10. do 04.11.2021. godine do 12:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješaača na adresu FERK-a ili na elektronsku adresu, u periodu od 26.10. do 04.11.2021. godine do 12:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješaača, odnosno do 04.11.2021. godine do 12:00 sati, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješaača.

Dalje, članom 4. i članom 5. Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 8. istog pravilnika propisan je način utvrđivanja regulatornih naknada za imaoce dozvola za obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaooca dozvole. Članom 9a. stav (2) Pravilnika o metodologiji i načinu obračuna regulatornih naknada za imaoce dozvola propisano je da će se imaoocima dozvola za obavljanje elektroprivrednih djelatnosti i Operatoru za OIEiEK, koji obnove svoju dozvolu u tekućoj godini, ali kojima između perioda važenja prethodne dozvole i perioda važenja nove/obnovljene dozvole nastupi period u kojem isti nisu izdatu dozvolu, iznos regulatorne naknade se za tekuću godinu preračunava pojedinačnim rješenjem u skladu sa periodom važenja njihovih dozvola. Na osnovu navedenog Rješenjem broj 08-11-537-1/21 od 24.03.2021. godine „EKO-ELEKTRON“ d.o.o. Gornji Vakuf – Uskoplje kao postojećem imaoocu dozvole za

rad za proizvodnju električne energije utvrđen je iznos regulatorne naknade za 2021. godinu u iznosu od 2.670,60 KM. Kako je imalac dozvole obnovio svoju dozvolu u tekućoj godini, ali kojem je između perioda važenja prethodne dozvole (24.10.2016. – 23.10.2021.) i perioda važenja nove/obnovljene dozvole (11.11.2021. – 10.11.2031) nastupilo period u kojem isti nije imao izdatu dozvolu, regulatorna naknada za 2021. godinu preračunata je u skladu sa članom 5., članom 8. i članom 9a. stav (2) ovog pravilnika, tako da ukupan iznos regulatorne naknade koju je imalac dozvole obavezan platiti za 2021. godinu sada iznosi 2.538,90 KM. Obzirom da je „EKO-ELEKTRON“ d.o.o. Gornji Vakuf – Uskoplje, postupajući u skladu sa FERK-ovim obavještenjima o obavezi plaćanja regulatorne naknade, izvršio uplatu iznosa od 2.670,60 KM za regulatornu naknadu za 2021. godinu, FERK će razliku u iznosu od 131,70 KM uplatiti na transakcijski račun „EKO-ELEKTRON“ d.o.o. Gornji Vakuf – Uskoplje, o čemu će se imaocu dozvole ispostaviti posebno obavještenje.

Na osnovu obrade Zahtjeva za izdavanje dozvole za rad za proizvodnju električne energije podnosiocu „EKO-ELEKTRON“ d.o.o. Gornji Vakuf – Uskoplje i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonom o korištenju obnovljivih izvora energije i efikasne kogeneracije, te Pravilnikom za izdavanje dozvola i Pravilnikom o sticanju statusa kvalifikovanog proizvođača električne energije.

Na osnovu navedenog, kao i analize izvještaja voditelja postupka, u dozvoli koja je predmet ovog rješenja podnosiocu zahtjeva postavljeni su, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu „EKO-ELEKTRON“ d.o.o. Gornji Vakuf – Uskoplje da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić, s.r.